

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
KANTONALNI SUD U SARAJEVU
Broj: 009-0-SU-26-000383
Sarajevo, 08.07.2026. godine**

Na osnovu člana 31. Zakona o sudovima u Federaciji Bosne i Hercegovine („Službene novine Federacije BiH“, br. 38/05, 22/06, 63/10, 72/10, 7/13, 52/14 i 85/21), člana 64. stav (1) tačka b) i člana 70. stav (3) Zakona o javnim nabavkama („Službeni glasnik BiH“, broj: 39/14, 59/22 i 50/24), Predsjednica Kantonalnog suda u Sarajevu donosi

O D L U K U

**o izboru najpovoljnijeg ponuđača u postupku nabavke putem konkurentskog zahtjeva
za dostavljanje ponuda za vršenje usluge audio – video snimanja za potrebe
Kantonalnog suda u Sarajevu**

I

Najpovoljnijom ponudom u postupka nabavke putem konkurentskog zahtjeva za dostavljanje ponuda za nabavku usluge audio – video snimanja za potrebe Kantonalnog suda u Sarajevu ocjenjuje se ponuda ponuđača **Middle point electronics d.o.o. Sarajevo, Džemala Bijedića 35, Sarajevo**, čija cijena ponude iznosi **22,00 KM/1 sat bez PDV-a, odnosno 25,74 KM/1 sat sa PDV-om.**

II

Izabrani ponuđač **Middle point electronics d.o.o. Sarajevo, Džemala Bijedića 35, Sarajevo** dostavio je odmah uz ponudu dokaze iz tački 8.1.4. Tenderske dokumentacije kojim se dokazuje ispunjenost uslova iz člana 45. Zakona o javnim nabavkama, na način kako je to propisano Tenderskom dokumentacijom, te se isti oslobađa obaveze naknadne dostave navedenih dokaza.

III

Po okončanju roka za žalbu, Ugovorni organ će sa izabranim ponuđačem zaključiti Okvirni sporazum kojim će se regulisati međusobna prava i obaveze.

IV

Ova odluka stupa na snagu danom donošenja.

Obrazloženje

Odlukom predsjednice suda broj: 009-0-SU-26-000383 od 19.06.2026.godine odobreno je provođenje postupka nabavke putem konkurentskog zahtjeva za dostavljanje ponuda za nabavku usluge audio – video snimanja za potrebe Kantonalnog suda u Sarajevu.

Ukupna procijenjena vrijednost nabavke (Okvirni sporazum za jednu godinu) je 30.000,00 KM bez PDV-a.

Sredstva za predmetnu nabavku su osigurana u Budžetu Kantonalnog suda u Sarajevu, ekonomski kod 613900.

U skladu sa naprijed navedenom Odlukom izvršeno je objavljivanje Obavještenja o nabavci broj: 885-7-2-20-3-3/26 od 22.06.2026. godine, na Portalu javnih nabavki.

Zajedno sa objavljivanjem Obavještenja o nabavci na Portalu javnih nabavki, izvršeno je i objavljivanje na WEB sajtu Ugovornog organa, a nakon toga i u Službenom glasniku BiH.

Dana 06.07.2026.godine u 12:30 h, u prostorijama Kantonalnog suda u Sarajevu, Ulica Šenoina 1, Sarajevo, Komisija je pristupila javnom otvaranju blagovremeno pristiglih ponuda.

Na osnovu Izvještaja o preuzimanju Tenderske dokumentacije od strane ponuđača, utvrđeno je da je Tendersku dokumentaciju za vršenje usluge audio – video snimanja za potrebe Kantonalnog suda u Sarajevu, broj: 009-0-SU-26-000383 od 22.06.2026.godine, preuzelo 8 (osam) ponuđača.

U Zapisniku o otvaranju ponuda broj: 009-0-SU-26-000383 od 06.07.2026.godine, Komisija je konstatovala da je blagovremeno dostavljena jedna (1) ponuda, i to ponuda ponuđača:

- Middle point electronics d.o.o. Sarajevo, Džemala Bijedića 35, Sarajevo,

kao i da je isti u svojoj ponudi iskazao cijenu kako slijedi:

Naziv ponuđača	Ukupna cijena ponude	Ponuđeni popust
Middle point electronics d.o.o. Sarajevo, Džemala Bijedića 35, Sarajevo	22,00 KM/1 sat bez PDV-a, 25,74 KM/1 sat sa PDV-om	NEMA

Komisija je na zatvorenoj sjednici pristupila postupku preispitivanja dostavljene ponude u smislu kvalifikovanosti iste, u skladu sa uslovima propisanim u Tenderskoj dokumentaciji za vršenje usluge audio – video snimanja za potrebe Kantonalnog suda u Sarajevu, broj: 009-0-SU-26-000383 od 22.06.2026.godine, a nakon izvršenog uvida u dostavljenu ponudu, utvrdila sljedeće:

Tabela I – Analitički prikaz traženih i dostavljenih dokumenata ponuđača: Middle point electronics d.o.o. Sarajevo, Džemala Bijedića 35, Sarajevo, broj ponude: 278/26 od 06.07.2026. godine

Tražena dokumenta	Dostavljeno DA/NE	Napomena
Aneks 2 - Obrazac za dostavljanje ponuda	DA	
Aneks 3 - Obrazac za cijenu ponude sa tehničkom specifikacijom	DA	
Aneks 4 - Izjava o ispunjenosti uslova iz člana 45. Zakona - Dokazi o ispunjavanju kvalifikacionih uslova (lična sposobnost): - Izjava ovjerena od strane ponuđača (ovjerenu kod nadležnog organa za ovjeru dokumenata) koju je obavezan dostaviti ili, može odmah dostaviti tražena dokumenta, da nije: - u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan;	DA	Ponuđač je odmah uz ponudu dostavio ovjerene kopije dokaza iz člana 45. Zakona

- pod stečajem ili je predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan; - nije ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan; - nije ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan;		
Aneks 5 - Izjava – član 52. Zakona	DA	
Aneks 6 - Obrazac povjerljivih informacija	DA	
Aneks 7 - Nacrt okvirnog sporazuma/osnovni elementi okvirnog sporazuma	DA	
Dokaz o registraciji (član 46. Zakona) u odgovarajućem profesionalnom ili drugom registru u zemlji u kojoj su registrovani u skladu s tačkom 8.2.2. tenderske dokumentacije – original ili kopija ovjerena od strane nadležnog organa za ovjeru dokumenata (organ uprave ili notar).	DA	
Spisak izvršenih ugovora koji se odnose na vršenje usluge audio video snimanja, uz Potvrdu o uspješno izvršenim uslugama, kako je traženo u tački 8.4.2. tačka a) - spisak izvršenih ugovora se dostavlja na memorandumu ponuđača, potpisan od ovlaštenog lica ponuđača i ovjeren pečatom ponuđača, a potvrde o uspješno izvršenim ugovorima se dostavljaju u originalu ili kopiji ovjerenoj od strane organa za ovjeravanje dokumenata (organ uprave ili notar).	DA	

Punomoć/Ovlaštenje za potpis ponuda, priložena u originalu ili ovjerena kopija iste (ukoliko ponudu potpisuje lice čije ime nije navedeno u Rješenju o registraciji/upisu u sudski registar sa svim izmjenama ili Aktuelnom izvodu/Izvodu iz sudskog registra kojim su obuhvaćene sve izmjene u sudskom registru, kao lica koje je ovlašteno za zastupanje ponuđača u unutrašnjem prometu).	DA	Ponuda potpisana od strane odgovornog lica
Punomoć/Ovlaštenje za upotrebu faksimila ovlaštene osobe ponuđača, čiji se faksimil koristi, kojim se ovlašćuju uposlenici ponuđača (imenom i prezimenom), da u svrhu pripreme i ovjere ponude, mogu koristiti faksimil ovlaštene osobe ponuđača (ukoliko ponuđač pri potpisu svoje ponude koristi faksimil ovlaštene osobe).	DA	Nije korišten faksimil ovlaštene osobe ponuđača
Popis dokumentacije koja je priložena uz ponudu (može se dostaviti uz Aneks 2. tenderske dokumentacije ili kao jedan od prvih dokumenata ponude), potpisan od ovlaštenog lica ponuđača i ovjeren pečatom ponuđača.	DA	
Uvez i numeracija	DA	

Nakon naprijed navedenih radnji, Komisija je pristupila analizi ponude ponuđača Middle point electronics d.o.o. Sarajevo, Džemala Bijedića 35, Sarajevo, vezano za ispunjenje zahtjeva iz Tenderske dokumentacije u pogledu opisa nabavke i tehničkih specifikacija, kako slijedi:

Tabela II –Tehnička specifikacija/podaci/tehnički opis predmeta nabavke ponuđača: Middle point electronics d.o.o. Sarajevo, Džemala Bijedića 35, Sarajevo, broj ponude: 278/26 od 06.07.2026. godine

TEHNIČKA SPECIFIKACIJA	PODACI O PONUĐENOJ VRSTI USLUGE - TEHNIČKI OPIS	NAPOMENA
Prema Aneks-u 3, koji je sastavni dio Tenderske dokumentacije - Vršenje usluge audio – video snimanja za potrebe Kantonalnog suda u Sarajevu	Vršenje usluge audio – video snimanja za potrebe Kantonalnog suda u Sarajevu	

Komisija je takođe utvrdila da je ponuđač **Middle point electronics d.o.o. Sarajevo, Džemala Bijedića 35, Sarajevo** dostavio ponudu u skladu sa tačkom 9.1.5. Tenderske dokumentacije, odnosno ponuda je dostavljena u jednom originalu, svi listovi ponude čvrsto su uvezani i strane povezane jemstvenikom-vrpcom i pričvršćena naljepnicom preko koje je otisnut pečat ponuđača na način da isti obuhvaća dio prve ili posljednje strane ponude i dio pričvršćenja naljepnicom na način da se onemogući naknadno vađenje ili umetanje listova, a sve strane ponude numerisane su na način da je vidljiv broj stranice ili lista.

Komisija je nakon uvida u dostavljenu ponuda ponuđača **Middle point electronics d.o.o. Sarajevo, Džemala Bijedića 35, Sarajevo, broj: 278/26 od 06.07.2026. godine**, utvrdila da ista ispunjava sve uslove Ugovornog organa koji su definisani Tenderskom dokumentacijom i ocjenjena je prihvatljivom za dalji tok vrednovanja.

Tačkom 10.1. Tenderske dokumentacije propisano je da se u skladu sa članom 64. stav (1) tačka b) Zakona o javnim nabavkama ugovor dodjeljuje ponuđaču koji je ponudio **najnižu ukupnu cijenu tehnički zadovoljavajuće ponude**.

Takođe, tačkom 10.6. Tenderske dokumentacije propisano je da će se u ovom postupku provoditi e-Aukcija, u skladu sa Pravilnikom o uslovima i načinu korištenja e-Aukcije („Službeni glasnik BiH, broj: 80/23), kao i da se u slučaju prijema jedne prihvatljive ponude e-Aukcija ne može zakazati, već da se postupak okončava u skladu sa članom 69. Zakona o javnim nabavkama.

Obzirom da je u predmetnoj javnoj nabavci dostavljena jedna formalno-pravno i tehnički prihvatljiva ponuda, e-Aukcija se ne može zakazati, već se postupak okončava u skladu sa članom 69. Zakona o javnim nabavkama.

U skladu sa navedenim, Komisija je dala preporuku predsjednici Kantonalnog suda u Sarajevu da se u postupka nabavke putem konkurentskog zahtjeva za dostavljanje ponuda za nabavku usluge audio – video snimanja za potrebe Kantonalnog suda u Sarajevu izvrši izbor najpovoljnije ponude, kao i da se najpovoljnijom ocijeni ponuda ponuđača **Middle point electronics d.o.o. Sarajevo, Džemala Bijedića 35, Sarajevo, čija cijena ponude iznosi 22,00 KM/1 sat bez PDV-a, odnosno 25,74 KM/1 sat sa PDV-om**.

NAPOMENA: Izabrani ponuđač Middle point electronics d.o.o. Sarajevo, Džemala Bijedića 35, Sarajevo dostavio je odmah uz ponudu dokaze iz tački 8.1.4. Tenderske dokumentacije kojim se dokazuje ispunjenost uslova iz člana 45. Zakona o javnim nabavkama, na način kako je to propisano Tenderskom dokumentacijom, te se isti oslobađa obaveze naknadne dostave navedenih dokaza.

Prihvatajući prijedlog Komisije, odlučeno je kao u dispozitivu ove odluke.

Pouka o pravnom lijeku: Ponuđač koji smatra da je Ugovorni organ u toku postupka izvršio povredu odredbi Zakona o javnim nabavkama ima pravo uložiti žalbu.

Žalba se podnosi Kancelariji za razmatranje žalbi putem Kantonalnog suda u Sarajevu, Šoenojina 1, 71000 Sarajevo, u pisanoj formi u tri primjerka, u roku od 5 dana od dana prijema ove odluke uz obaveznu uplatu takse za podnošenje žalbe ugovornom organu. U skladu sa

članom 105. Zakona o javnim nabavkama (Službeni Glasnik BiH, broj: 39/14, 59/22 i 50/24) žalilac, kao sastavni dio žalbe, treba da dostavi dokaz o uplaćenju naknadi za pokretanje žalbenog postupka.

PREDSJEDNICA SUDA
JASENKA POTOGIJA



Dostaviti:

- Komisiji za javne nabavke,
- Odsjeku za računovodstvo,
- SU Arhiva.